



ზოგადსაგანმანათლებლო
დანესაბუღებების ავტორიზაციის საბჭო

02/05/2025



MES 8 25 0000474650

გადაწყვეტილება

**ზოგადსაგანმანათლებლო დაწესებულებების ავტორიზაციის საბჭოს 2023 წლის 27 დეკემბრის
N1771665 ოქმის 1-ელ ნაწილში ცვლილების შეტანის შესახებ**

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯერების შედეგად, საქართველოს ზოგადი ადმინისტრაციული კოდექსის 63-ე მუხლის პირველი პუნქტის საფუძველზე,

საბჭომ გადაწყვიტა:

1. შევიდეს ცვლილება ზოგადსაგანმანათლებლო დაწესებულებების ავტორიზაციის საბჭოს 2023 წლის 27 დეკემბრის N1771665 ოქმის 1-ელ ნაწილში და ჩამოყალიბდეს შემდეგნაირად:

„ 1. სსიპ - ქალაქ თბილისის №141 საჯარო სკოლის ავტორიზაციის საკითხის განხილვა

საბჭოს თავმჯდომარემ დაწესებულების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

საბჭოს თავმჯდომარემ, დავით მაღაზონიამ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას და დაწესებულების მიერ წარმოდგენილ არგუმენტირებულ პოზიციას დასკვნის პროექტთან მიმართებით. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავმჯდომარემ ჰკითხა დაინტერესებული მხარის წარმომადგენელს, იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავმჯდომარემ საბჭოს მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა საბჭოს სხდომაზე წარადგინა ზოგადი განათლების ხარისხის უზრუნველყოფის ექსპერტმა, ნინო ვასაძემ. ექსპერტმა განაცხადა, რომ სსიპ - ქალაქ თბილისის №141 საჯარო სკოლაში საავტორიზაციო ვიზიტი განხორციელდა 2023 წლის 23 და 24

ოქტომბერს. სკოლა მდებარეობდა ქალაქ თბილისში, გურამიშვილის N14ა-ში, ახორციელებდა ზოგადი განათლების დაწყებითი, საბაზო და საშუალო საფეხურების ზოგადსაგანმანათლებლო პროგრამებს ქართულ ენაზე. ზოგადსაგანმანათლებლო დაწესებულების სტატუსის მაძიებლის თვითშეფასების ფორმის თანახმად, დაწესებულების მიერ მოთხოვნილი მოსწავლეთა ადგილების ზღვრული რაოდენობა შეადგენდა 1200 მოსწავლეს. აქვე, ექსპერტმა განმარტა, რომ აღნიშნულ მოთხოვნას ეთანხმებოდა ექსპერტთა ჯგუფი და დაწესებულებას შეეძლო შესაბამისი საგანმანათლებლო მომსახურება გაეწია 1200 მოსწავლისთვის.

ექსპერტმა, ნინო ვასაძემ ისაუბრა სკოლის საუკეთესო პრაქტიკაზე და აღნიშნა, რომ დაწესებულებას ჰქონდა ქართული ენისა და ლიტერატურის სწავლების გამორჩეული მიდგომა, კერძოდ, პედაგოგი მოსწავლეებს ეხმარებოდა, რომ ტექსტები იაპონური მხატვრობის სტილთან (მანგასთან) დაეკავშირებინათ, აღქმისა და დასწავლის პროცესის გაადვილების მიზნით.

ექსპერტმა განმარტა, რომ პირველი და მეოთხე სტანდარტები შეფასდა როგორც „შეესაბამება სტანდარტის მოთხოვნებს“, ხოლო მესამე და მეორე სტანდარტები შეფასდა „მეტწილად“, კომპონენტები 3.1; 3.4; 3.5 და 2.2 (სამივე საფეხურზე) ექსპერტთა ჯგუფის მიერ შეფასდა „მეტწილი“ შესაბამისობით.

ნინო ვასაძემ აღნიშნა, რომ თითოეულ ინდიკატორთან დაკავშირებით, რომელიც შეფასდა „მეტწილი“ შესაბამისობით, ექსპერტთა ჯგუფის მიერ გაცემული იქნა რეკომენდაციები, რომლებიც აღწერილი იყო ზოგადსაგანმანათლებლო დაწესებულების სტატუსის მაძიებლის შესახებ ზოგადსაგანმანათლებლო დაწესებულების ექსპერტთა ჯგუფის დასკვნაში. დასკვნა ასევე მოიცავდა ექსპერტთა ჯგუფის მიერ გაცემულ რჩევებს.

საბჭოს თავმჯდომარემ მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს თავმჯდომარის მოადგილემ, თამარ მამსიკაშვილმა მიმართა სკოლის წარმომადგენელს, დაეზუსტებინა, როდის განხორციელდა შენობის რეაბილიტაცია და რამდენი მოსწავლე ირიცხებოდა სკოლაში საავტორიზაციო ჯგუფის ვიზიტის პერიოდში.

სკოლის დირექტორმა, მარინე სამუშიამ განმარტა, რომ სკოლის სრული რეაბილიტაცია განხორციელდა 9 წლის წინ, თუმცა სველი წერტილები გარემონტდა 2020 წელს. მან ასევე დაამატა, რომ სკოლის სრულ რეაბილიტაციასთან დაკავშირებით მიმდინარეობდა კომუნიკაცია სსიპ - საგანმანათლებლო და სამეცნიერო ინფრასტრუქტურის განვითარების სააგენტოსთან. მისი თქმით, მომავლი წლიდან სკოლა გათვალისწინებული იყო რეაბილიტაციის პროექტში. რაც შეეხებოდა მოსწავლეთა რაოდენობას მიმდინარე პერიოდში, სკოლის დირექტორმა აღნიშნა, რომ სკოლაში ირიცხებოდა 936 მოსწავლე, რომელთაგან 30 იყო სპეციალური საგანმანათლებლო საჭიროების მქონე.

საბჭოს წევრმა, პეტრე ბაბილუამ მიმართა საგნობრივ ექსპერტებს, საბჭოსთვის გაეცნოთ მეტი დეტალი სასკოლო კურიკულუმებთან დაკავშირებით, ასევე, იყო თუ არა დოკუმენტურად ასახული მასწავლებელთა განვითარებისა და მხარდაჭერის სამომავლო გეგმები.

მათემატიკის საგნობრივმა ექსპერტმა, მანანა შეროზიამ ისაუბრა სასკოლო კურიკულუმებთან დაკავშირებით და განმარტა, რომ კურიკულუმებში იკვეთებოდა გარკვეული სახის ტექნიკური ხარვეზები, რომლებზეც ექსპერტთა ჯგუფის მხრიდან გაცემული იყო რეკომენდაციები და სკოლამ გაითვალისწინა თითოეული მათგანი. აღნიშნულთან დაკავშირებით, საზოგადოებრივი მეცნიერებების ექსპერტმა, მანანა სეხნიაშვილმა განმარტა, რომ მასწავლებლებმა, ინტერვიუების დროს, აღწერეს სასკოლო კურიკულუმები, რომლებიც საწყის ეტაპზე დოკუმენტურად არ ჰქონდათ ასახული. რაც შეეხებოდა მასწავლებელთა მხარდაჭერის გეგმას, ექსპერტმა, ნინო ვასაძემ ისაუბრა და განმარტა, რომ პროფესიული განვითარების გეგმა ვიზიტის დროს სკოლას არ წარმოუდგენია, თუმცა ხორციელდებოდა გაკვეთილების პროცესზე დაკვირვება, ინდივიდუალური საჭიროებების გამოკვეთა, შემდგომ კონკრეტული მიმართულებით ინტენსიური მუშაობა.

საბჭოს თავმჯდომარემ მიმართა საბჭოს წევრებს, ხომ არ ჰქონდათ დამატებითი შეკითხვები სკოლის წარმომადგენლებთან ან ექსპერტებთან.

საბჭოს წევრებს შევითხვები არ ჰქონდათ.

საბჭოს თავმჯდომარემ კენჭისყრაზე დააყენა სსიპ - ქალაქ თბილისის №141 საჯარო სკოლის ავტორიზაციისა და მოსწავლეთა ადგილების ზღვრული რაოდენობის 1200 - ით განსაზღვრის საკითხი.

კენჭისყრის შედეგები:

მომხრე- 11

წინააღმდეგი - 1

ვინაიდან, დაწესებულებას არ ჰქონდა შენობა-ნაგებობის მდგრადობის შესახებ დასკვნა, მოსწავლეთა უსაფრთხოებისა და მათი საუკეთესო ინტერესებიდან გამომდინარე, საბჭოს ერთმა წევრმა მხარი არ დაუჭირა სსიპ - ქალაქ თბილისის №141 საჯარო სკოლის ავტორიზაციის მინიჭების საკითხს.

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-2 პუნქტის „ა“ ქვეპუნქტის, მე-12 მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის N99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ მე-20 მუხლის პირველი პუნქტის „ა“ ქვეპუნქტის, 21-ე მუხლის პირველი, მე-2 და მე-3 პუნქტებისა და 27-ე მუხლის მე-4 პუნქტის შესაბამისად, სსიპ - ქალაქ თბილისის №141 საჯარო სკოლას (ს/კ: 200007679) 9 წლის ვადით მიენიჭოს ზოგადსაგანმანათლებლო დაწესებულების სტატუსი და მოსწავლეთა ადგილების ზღვრული რაოდენობა განესაზღვროს 1200-ით. დაწესებულებას მიენიჭოს უფლებამოსილება განახორციელოს შემდეგი ზოგადსაგანმანათლებლო პროგრამები:

N	ზოგადსაგანმანათლებლო პროგრამის სახელწოდება	ზოგადსაგანმანათლებლო პროგრამის საფეხური	ზოგადსაგანმანათლებლო პროგრამის განხორციელების ენა	ზოგადსაგანმანათლებლო პროგრამის განხორციელების ადგილი (მუნიციპალიტეტის, ქალაქის, დაბის/სოფლის და ქუჩის მითითებით)
1	ზოგადი განათლების დაწყებითი საფეხურის ზოგადსაგანმანათლებლო პროგრამა	დაწყებითი	ქართული	ქალაქი თბილისი, გურამიშვილის 14 ა
2	ზოგადი განათლების საბაზო საფეხურის ზოგადსაგანმანათლებლო პროგრამა	საბაზო	ქართული	ქალაქი თბილისი, გურამიშვილის 14 ა
3	ზოგადი განათლების საშუალო საფეხურის ზოგადსაგანმანათლებლო პროგრამა	საშუალო	ქართული	ქალაქი თბილისი, გურამიშვილის 14 ა

საბჭომ შუამდგომლობით მიმართა ცენტრს დაწესებულებაში მონიტორინგის განხორციელებასთან დაკავშირებით:

მონიტორინგის დაწყების პერიოდი - 2025 წლის დეკემბრიდან;

მონიტორინგის განხორციელების ფორმა - ადგილზე ვიზიტი;

მონიტორინგის ფარგლები - პირველი, მეორე (დაწყებითი, საბაზო, საშუალო საფეხურების საფეხურების ზოგადსაგანმანათლებლო პროგრამები) და მეოთხე სტანდარტები.

საბჭომ 3.1, 3.4 და 3.5 კომპონენტების შეფასების გათვალისწინებით, ზოგადსაგანმანათლებლო დაწესებულებას განუსაზღვრა რეკომენდაციები და რეკომენდაციების შესრულების პროგრესის შესახებ ცენტრის ინფორმირების ვალდებულება 2027 წლის აპრილში. კერძოდ, უზრუნველყოს დასაქმებულების მიერ კანონმდებლობით დადგენილი ცნობების წარმოდგენა, ექიმის კვალიფიკაციის შესაბამისობაში მოყვანა საქართველოს განათლებისა და მეცნიერების მინისტრისა და საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2022 წლის 21 მარტის ერთობლივი №41/5/01-23/5 ბრძანების მოთხოვნებთან, გარდა ამისა, შენობის მდგრადობის შესახებ დასკვნისა და ინკლუზიური გარემოს ხელშეწყობის მიზნით შენობის ადაპტირების დამადასტურებელი დოკუმენტაციის ცენტრში წარდგენა.“

2. ზოგადსაგანმანათლებლო დაწესებულებების ავტორიზაციის საბჭოს 2025 წლის 02 მაისის N471854 სხდომის ოქმის პირველი ნაწილი ცნობილ იქნას ამ გადაწყვეტილების განუყოფელ ნაწილად.

3. ზოგადსაგანმანათლებლო დაწესებულებების ავტორიზაციის საბჭოს გადაწყვეტილების გასაჩივრება შესაძლებელია კანონმდებლობით დადგენილი წესით და ვადაში, სააპელაციო საჩივრის სააპელაციო საბჭოში წარდგენის გზით (შემდეგ მისამართზე: ქ. თბილისი, მ. ალექსიძის ქ. მეორე შესახვევი №2) ან ქ. თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით (შემდეგ მისამართზე: დავით აღმაშენებლის ხეივანი, N64).

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს მდივანი
ბერიკაშვილი ნინო



სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს თავმჯდომარე
წიფურია ეკატერინე

